



Broj: 03/1-50-1-9-12-6/08
Sarajevo, 23. 1. 2008. godine

-Članovima Zajedničke komisije za odbranu i sigurnost BiH

PREDMET: Izvještaj o posjeti 5. pješadijskoj brigadi OSBiH i Komandi logistike OSBiH-
17. decembar 2007. godine
Veza, akt broj: 03/1-50-9-10g/07, od 22.11.2007.

Članovi Zajedničke komisije za odbranu i sigurnost BiH (ZK) posjetili su, 17.12. 2007., Petu pješadijsku brigadu OSBiH u Tuzli i Komandu logistike OSBiH u Doboju.

U delegaciji ZK bili su: Branko Zrno, predsjedavajući, Slobodan Šaraba, zamjenik predsjedavajućeg, Mirko Okolić, Hazim Rančić, Jozo Križanović, Ivo Miro Jović, članovi ZK, Dragica Hinić, sekretar, i Željko Grubešić, stručni savjetnik za vojna i sigurnosna pitanja.

Sastanku s Komandom i oficirima 5. pješadijske brigade prisustvovao je i brigadni general Anto Jeleč, v.d. komandanta OKOSBiH.

Sastanku u 5.pješadijskoj brigadi i Komandi logistike OSBiH prisustvovali su: Kristijan Haupt i Maja Zozolly iz Misije OSCE-a u BiH i Lejla Hadžihasanović iz Štaba NATO-a u BiH.

5. pješadijska brigada OSBiH - Tuzla

Brigadni general Mirsad Gutić, komandant brigade, u uvodnom dijelu pozdravio je članove ZK izražavajući dobrodošlicu i zadovoljstvo posjetom 5.pješadijskoj brigadi OSBiH.

Branko Zrno istakao je da je cilj posjete neposredna razmjena mišljenja o problemima tranzicije, personala i budžeta, o čemu se treba razgovarati otvoreno radi nalaženja rješenja koja će OSBiH i Bosnu i Hercegovinu dovesti do zacrtanih ciljeva koji su definirani u konkretnim programima koji se realiziraju kroz program Partnerstvo za mir.

Nakon uvodnog dijela, brigadni general Gutić upoznao je članove ZK sa stanjem u 5.pješadijskoj brigadi.

Posebno se osvrnuo na ključne odluke vezane za reformu OSBiH, rezultate provedenih aktivnosti u OSBiH u 2007. godini, te probleme u provođenju organizacionih promjena u OSBiH. Održao je brifing u kojem je naglasio sljedeće:

- organizacijsko-formacijsku strukturu 5. pješadijske brigade,
- raspored Komande i jedinica 5.pješadijske brigade,

- stanje personala,
- težišne aktivnosti 5.pješadijske brigade
- probleme u radu,
- mogućnosti VB „Orao“ Dubrave.

Obrazložio je potom težišne zadatke 5. pješadijske brigade, koji se odnose na:

- formiranje komandi i jedinica 5.pješadijske brigade,
- uspostavljanje lanca komandovanja i kontrole u brigadi,
- razvijanje kalendara glavnih događaja obuke kao i smjernice komandanta 5.pješadijske brigade za obuku do kraja 2007.godine te smjernice za obuku u I. kvartalu 2008. godine,
- tok izrade novih i ažuriranje postojećih SOP-a i instruktivnih akata za organizaciju života i rada u komandi i jedinicama,
- uspostavljanje i održavanje stanja sigurnosti na nivou koji omogućava izvršavanje postavljenih zadataka,
- funkcioniranje logističke podrške u skladu s Konceptom logističke podrške OSBiH, važećim instrukcijama MOBiH i nadređene komande,
- rješavanje statusnih pitanja pripadnika 5.pješadijske brigade,
- osiguranje lokacija i MTS-a,
- realizacija plana popune MTS-om po knjizi materijalne formacije,
- izvođenje obuke.

Istaknuo je i probleme u radu, kao što su :

- Složena procedura za ostvarivanje prava na novčanu naknadu za troškove stanarina. Pojedini pripadnici brigade čekaju na uplatu ove naknade više od pet mjeseci.
- Prekovremeno angažiranje pripadnika brigade na izvršavanju dodijeljenih zadataka. Jedan broj vojnika na straži provede i do 330 sati mjesečno, ali im se, prema važećim propisima, plaća obračunava na bazi 176 sati, a čak ostaju uskraćeni i za naknadu za topli obrok, jer im je broj dana na poslu zbog 24-satnog angažiranja manji. Sugerirano je nadležnim da se ovo pitanje eventualno riješi uvođenjem neke vrste stražarskog, odnosno terenskog dodatka.
- Nije u potpunosti primijenjen novi Koncept logističke podrške. Brigada funkcionira osloncem na novi Koncept logističke podrške OSBiH koji ne može u potpunosti zadovoljiti logističke potrebe 5. pješadijske brigade, ali joj omogućava realizaciju svih zadataka u kombinaciji s ranijim načinom logističke podrške.
- Veliki broj lica angažiran je na osiguranju lokacija. To značajno otežava izvođenje planirane obuke, a posebno kolektivne obuke 5. pješadijske brigade koja trenutno osigurava 25 lokacija, od čega je 15 neperspektivnih i dnevno se na osiguranju angažira 217 pripadnika. Komanda rješenje vidi u što bržem rješavanju pitanja predaje neperspektivnih lokacija.
- Nije reguliran način korištenja usluga pravnih subjekata za potrebe OSBiH. Ovo se posebno odnosi na rješavanje određenih komunalnih usluga, a za potrebe strvaranja uslova za život i rad jedinica na lokacijama razmještaja.
- Nedostatak sredstava za tekuće održavanje infrastrukture i instalacija na lokacijama razmještaja. Jedinica nema mogućnosti da izvede osnovne građevinske radove iz domena tekućeg održavanja infrastrukture. (Primjer: Sistem centralnog grijanja prostorija na lokaciji „Husein Kapetan Gradašćević” Tuzla ne funkcionira zbog neispravnosti kotlovske postrojenja čija popravka zahtijeva značajna finansijska ulaganja.)
- Neadekvatna opremljenost jedinice informatičkom opremom, i po kvalitetu i po

- kvantitetu.
- Neplaćanje zaostalih računa iz ranijeg perioda za izvršene komunalne usluge, utrošenu električnu energiju i usluge telekom operatera.
Zbog neizmirenih dugovanja prema pravnim subjektima brigada se često nađe u poziciji da joj se uskrati mogućnost korištenja telekom usluga, a česta su i upozorenja o isključenju napajanja električnom energijom i snabdijevanja vodom određenih lokacija.
 - Neredovna popuna 5.pješadijske brigade materijalnim sredstvima svih klasa.
Evidentno je otežano snabdijevanje intendantskom opremom, prehrambenim artiklima, potrošnim kancelarijskim materijalom i osnovnim potrošnim sredstvima za održavanje higijene.
 - Nacrt zakona o plaćama i novčanim naknadama zaposlenih u institucijama BiH ne tretira isto pripadnike OSBiH i ostale zaposlene u institucijama BiH.
Predviđeno je da profesionalni vojnik OSBiH ima polazni koeficijent za obračun osnovne plaće 1,10 dok je za civilnog policajca predviđeno da polazni koeficijent iznosi 1,27 (ili da ima osnovnu plaću veću za oko 15% u odnosu na vojnika). Slično je i u tretiranju školske spreme pripadnika OSBiH.

Nakon izlaganja brigadnog generala Gutića otvorena je diskusija, prije svega, o aktuelnim problemima koje je neophodno rješavati u narednom periodu. Od brigadnih generala Gutića i Jeleča zatraženo je da se i svojim prijedlozima maksimalno angažiraju u prevazilaženju aktuelnih problema, te da zajedno s ministrom odbrane predlože Predsjedništvu BiH i Vijeću ministara BiH način rješavanja aktuelnih problema. Pri tome će od ZK dobiti svu potrebnu podršku.

Nakon prezentacije, članovi ZK obišli su dio objekata 5. pješadijske brigade u vojnoj bazi „Orao“, te prisustvovali pokaznoj vježbi „Djelovanje snaga osiguranja u VB „Orao“, koju su pripremili pripadnici ove brigade.

Komanda logistike Oružanih snaga BiH - Dobož

Brigadir Smajil Oštraković, komandant Komande logistike OSBiH, u uvodnom dijelu pozdravio je članove ZK izražavajući dobrodošlicu i zadovoljstvo posjetom.

U ime Komande za podršku OSBiH, članove ZK pozdravio je brigadni general Jugoslav Brdar.

Branko Zrno naglasio je da posjeta treba biti iskorištena za otvoreni razgovor o aktuelnim problemima tranzicije, personala i budžeta.

Nakon uvodnog dijela, brigadir Oštraković upoznao je članove ZK sa stanjem u Komandi logistike OSBiH. Posebno se osvrnuo na organizaciju, strukturu Komande, pregled razmještaja i trenutne popunjenosti, težišne zadatke u 2008. godini, polje civilno-vojne saradnje te statusna pitanja vojnih i civilnih lica. Naglasio je da su objekti Komande, locirani u Doboju, u fazi rekonstrukcije, adaptacije i sanacije. Komanda, između ostalog, ima veoma odgovorne zadatke u rješavanju statusa viška vojne opreme, popunjavanju komandi i jedinica OSBiH s pripadajućim sredstvima, uspostavljanju materijalno-knjigovodstvene evidencije OSBiH.

Tokom razgovora članova ZK s užim dijelom Komande bilo je riječi o statusu profesionalnih vojnih lica, o Pravilniku o plaćama i novčanim naknadama koje nemaju karakter plaće. Problemi koji su naglašeni tokom razgovora iste su prirode kao i oni istaknuti tokom posjete 5.pješadijskoj brigadi u Tuzli.

ZAKLJUČCI:

1. Zajednička komisija za odbranu i sigurnost BiH daje punu podršku naporima koje čine Komanda 5. pješadijske brigade i Komanda logistike OSBiH u rješavanju aktuelnih problema;
2. Potrebno je što prije rješavati aktuelne probleme, kao što su problem postojanja neperspektivnih lokacija, problem isplate novčanih naknada i drugih statusnih pitanja pripadnika OSBiH koja su istaknuta u Komandi 5. pješadijske brigade i Komandi logistike OSBiH.
3. Ministarstvo odbrane BiH obavezno je jednom mjesečno informirati Zajedničku komisiju za odbranu i sigurnost BiH o provođenju Zakona o odbrani BiH i Zakona o službi o OSBiH. U tim informacijama potrebno je istaći na koji način se rješavaju brojni problemi sadašnje faze tranzicije, a koji su istaknuti u informativnim brifinzima datim prilikom obavljenih posjeta.
4. Ministar odbrane BiH obavezan je izvijestiti Zajedničku komisiju za odbranu i sigurnost BiH o preduzetim mjerama na rješavanju navedenih problema u u 5. pješadijskoj brigadi OSBiH i Komandi logistike OSBiH do 1. marta 2008. godine, kako bi ZK i Parlamentarna skupština BiH, shodno svojim nadležnostima, pomogle u njihovom rješavanju.
5. Zajednička komisija za odbranu i sigurnost BiH će najkasnije do 1. marta 2008. godine održati tematsku sjednicu na kojoj će analizirati zapažanja tokom obilaska komandi i jedinica OSBiH tokom 2007. godine. Na tematsku sjednicu bit će pozvani ministar odbrane i njegovi zamjenici, te nadležni generali OSBiH.

Predsjedavajući
Zajedničke komisije
Branko Zrno